

Departament d'infrastructura, energia e mobilitad dal Grischun

Exposiziun publica

Dumonda d'approvar il project per sanar ils agids da migraziun per peschs tar la serra d'accumulaziun e tar la traversa da mesiraziun a Sedrun.

Exposiziun publica dals **22 da settember 2025 fin ils 22 d'october 2025** tenor ils art. 57 ss. da la Lescha davart il dretg da las auas dal chantun Grischun (LDAG; DG 810.100).

L'Ovra electrica Rain anteriur SA dumonda d'approvar il project per sanar l'accessibilitad dals peschs a la serra d'accumulaziun ed a la traversa da mesiraziun Sedrun.

Cun la dumonda d'approvaziun dal project dals 27 d'avust 2025 vegnan dumandadas tut las permissiuns da dretg spezial ch'èn necessarias (coordinaziun e concentraziun da las proceduras tenor l'art. 58 LDAG).

La dumonda d'approvaziun dal project menziunà en il titel è exponida publicamain en il center administrativ Sinergia, Ringstrasse 10, 7001 Cuira, sco er en la vischnanca da Tujetsch. Ils documents stattan ultra da quai er a disposiziun en furma electronica sin la pagina d'internet da l'Uffizi d'energia e da traffic dal Grischun sut la rubrica «Actualitads».

Tgi ch'è pertutgà da l'exposiziun e po far valair in interess degn da vegnir protegì ch'il project vegnia realisà, impedì u midà (art. 57 en cumbinaziun cun l'art. 54 LDAG), ha il dretg da far protesta cunter il project, e quai en scrit e cun ina curta motivaziun. Il dretg da far protesta ha plinavant, tgi ch'è autorisà tenor il dretg federal da far quai.

Las protestas ston vegnir inoltradas entaifer il termin d'exposiziun al Departament d'infrastructura, energia e mobilitad dal Grischun, Ringstrasse 10, 7001 Cuira.